

2019. Ordenantza fiskalak. Behin betiko onarpena 2018ko urriaren 23an izandako Bermeoko Udaleko Osoko Bilkuran BAO 2018/12/14. 240. zk.

**ORDENANTZA FISKALA, BIDE PUBLIKOKO LURZORUA, LURZORU-AZPIA ETA HEGALDURA OKUPATZEAGAITIK ORDAINDU BEHARREKO TASEA ARAUTZEN DAUENA**

**1. artikulua: KONTZEPTUA**

Tokiko Araubidearen Oinarriak arautzen dauzan apirilaren 2ko 7/1985 legearen 106. artikulua emondako ahalmenak erabilteko eta Tokiko Ogasunen 9/2005 Foru Arauaren 21. artikuluko 1 eta 4 ataletan ezarritakoagaz bat etorrira, bide publikoko lurzorua, lurzoru-azpia eta hegaldura okupatzeagaitik tasea ezarri da. Tasa hori ordenantza fiskal honek eraenduko dau, eta haren arauak Foru Arau horren 21. artikuluan eta hurrengoetan ezarritakoa bete beharko dabe.

**2. artikulua: EGITATE EZARGARRIA**

Tasaren egitate ezargarria da udalaren herri jabariaren aprobetxamendu berezia edo erabilera pribatiboa.

**3. artikulua: SUBJEKTU PASIBOA**

Subjektu pasiboak dira lizentziak edo emakidak jasoten dituen pertsonak edo erakundeak, edo aprobetxamenduaren onuradunak, baimen egokirik barik gauzatu badira.

**4. artikulua: OINARRI EZARGARRIA**

Herri jabariko erabilera pribatiboa edo aprobetxamendu berezia gauzatuko dan unidade bakoitza izango da oinarri ezargarria, hurrengo artikuluan ezarritakoaren arabera.

**5. artikulua: KUOTEA**

1.- Ordenantza honetan araututako tasea hurrengo 4. atalean agertzen diran tarifetan finkaturikoa izango da.

2.- Halan eta guztiz be, udalaren bide publikoetako lurrazpiko, lurzoru gaineko edo hegalduretako aprobetxamendu berezien edo erabilera pribatiboen tasea enpresek udalerrian lortuko daben fakturazinetik datozen sarrera gordinen %1,5ekoa izango da, beti be hitzarmenean xedatutakoagaz bat etorritz. Aprobetxamendu berezien eta erabilera pribatiboak auzotar guztiei edo batzuei eragiten deutseen hornidura zerbitzuak ustiatzen daben enpresen aldekoak dira.

3.- TELEFONICA S.A. enpresari egokituko jakon kopurua zemendiaren 30eko 10/87 Foru Arauan oinarrituta urtero esku dirutan egiten dan konpentsazioan sartuko da.

4.- Honeexek dira tasearen tarifak:

	2019 (€)
1.- Baskulak, zutoinak, kableei eusteko tximitelak, lotune, banaketa eta erregistroko kutxak, bakotxa urtean	10,46
2.- Transformadoreak, m <sup>2</sup> -ko edo zatika urtean	10,46
3.- Edozein eratako kable edo hodi, metro lineal bakotxeko edo zatika urtean	0,43
4.- Bide publikoaren lurpea gasolina deposituakaz okupetea m <sup>3</sup> -ko edo zatika urtean	260,96
5.- Bide publikoaren edo herri erabilerako lurren erreserba berezia auto-eskolen edo antzekoen praktiketarako, m <sup>2</sup> -ko edo zatika urtean	10,46
6.- Eraikuntzan erabilitako garabi bakotxeko, besoak edo lumak bide publikoaren hegaldura hartzen bada, urtean	208,97

## 6. artikulua: KUDEAKETA ARAUAK

1.- Tarifen arabera eskatzekoak diran kopuruak eskatutako edo egindako aprobetxamenduagatik kitatuko dira eta epigrafe egokietan finkaturiko aldien arabera murriztu ahal izango dira.

2.- Ordenantza honetan araututako aprobetxamenduen emakidan interesa daben pertsonak edo erakundeek lizentzia eskatu beharko dabe alde zuzenetik.

3.- Okupazioa baimenduta, aprobetxamenduaren iraupena zehatz finkatu ezik, luzatutzat hartuko da harik eta interesdunek baja adierazpena aurkeztu arte.

4.- Baja aurkezteak hurrengo aldi naturalaren lehen egunetik aurrera izango ditu ondorioak, tarifen epigrafeetan agertzen dan aldia hain zuzen. Bajea aurkeztu ezik, prezio publikoa ordaintzen jarraitu behar da.

## 7. artikulua: SORTZAPENA

Ordenantza honetan araututako tasaren sortzapena eta ordaintzeko modua honakoa da:

a) Aprobetxamendu barrien eta 5. artikuluan 2.a) ataleko aprobetxamenduen emakidak diranean, udalaren diru-bilketako bulegoetan egingo da ordaintzea zuzenean.

b) Baimendutako eta luzatutako aprobetxamenduen emakidak diranean, prezio honen erroldetan edo matrikuletan sartu ostean, seihileko naturaletan ordainduko dira udalaren diru-bilketako bulegoetan.

### **XEDAPEN IRAGANKORRA**

Enpresa ustiatzaileakaz sarrera gordinen zenbatekoa adosteko hitzarmenak egitearen inguruko 5.2. artikuluan xedatutakoa baliagarria izango da harik eta sarrera gordintzat zer hartzen dan arautu arte.

## AZKEN XEDAPENA

Ordenantza hau behin betiko onetsi eban Udalbatzak 2000ko urriaren 26an egindako Osoko Bilkuran, eta haren aldaketak 2000ko abenduaren 30ean argitaratu ziran BAOn 251. alean. Halanda ze, 2001/01/01ean sartu zan indarrean eta indarrean jarraituko dau harik eta beren beregi aldatu edo indarririk barik itxi arte.